

[Furlan]

Ce che al è il program Interreg IV Italie – Austrie?

Interreg IV Italie – Austrie al fâs part dai programs di cooperazion teritoriâl europeane par il periodi 2007-2013. Il program al puarte indevant il svilup ecuilibrât e sostignibil e l'integrazion armoniose te zone di confin jenfri Italie e Austrie.

Il program al è finanziât dal Font European di Svilup Regjonâl (FESR) e da contribûts publics nazionâi par un totâl di 80 milions di euro.

Interreg IV Italie-Austrie al finanzia progjets di cooperazion taliane-austriache par il miorament des relazions economichis e de competitivât, pe tutele dal ambient e dal svilup sostignibil dal teritori.

Cuale prioritât puartie indevant il program?

1. Promozion des relazions economichis, de competitivât e de diversificazion des impresis

Cheste prioritât e previôt progjets in chestis areis tematichis :

- Sostegn a lis piçulis e medis impresis
- Intervents turistics di promozion e di cooperazion
- Ricercje, inovazion e societât de informazion
- Risorsis umanis e marcjât dal lavôr

2. Teritori e sostignibilitât

Cheste prioritât e previôt progjets in chestis areis tematichis :

- Areis protezudis, paisaç naturâl e culturâl, protezion dal ambient e des biodiversitâts
- Prevenzion di pericui naturâi, tecnologjics e protezion civîl
- Energjiis rinovabilis, risorsis idrichis e implants di provision e smaltiment
- Organizacions di svilup transfrontalîr, partenariât, rêts, sistemis urbans e rurâi
- Acessibilitât ai servizis di traspuart, di telecomunicazion e altris servizis
- Culture, sanitât e afârs sociâi

Cui puedial domandâ un finanziament?

- Ents publics nazionâi, regionâi e locâi
- Consorziis publics e privâts
- Agjenziis di svilup, parcs sientifics e tecnologjics, distrets industriâi, BIC, agjenziis financiaris regionâls, cjamaris di cumierç
- Universitâts, istitûts scolastics, di ricercje e di formazion
- NGO e associazions cence fin di vuadagn
- Gjestôrs des areis protezudis
- Fondazions
- Ents fiere
- Operadôrs turistics
- Operadôrs economics privâts singui e associâts
- Organizacions di svilup transfrontalîr e di furnidure servizis publics
- Altris beneficiaris compatibii cu lis prioritâts

Cemût presentâ i progjets?

Partner che a son di ducj i doi paîs membris, Italie e Austrie interessâts a partecipâ a son invidâts a presentâ i progjets cuant che e je la viertidure di “Avîs pe presentazion des propuestis progjetuâls”. L’avîs cun scjadince e lis modalitâts di presentazion des propuestis progjetuâls al è publicât periodicamentri sù chest sît inte sezion “ Propueste progjetuâl”. Il modul disponibil online al à di jessi compilât sedi par todesc sedi par talian.

Aree di cooperazion

L’aree di cooperazion dal Program Interreg IV Italie – Austrie al cjape dentri 6 regions.

Regions/ Provinciis talianis:

Autonome Provinz Bozen-Südtirol | Provincie Autonome di Bolzan-Sudtirôl

Regjon Venit: Provincie di Belum, Trevîs e Vicence

Regjon Autonome Friûl Vignesie Julie: Provincie di Udin, Gurize e Pordenon

Länder austriacs:

Land Kärnten: Klagenfurt-Villach, Oberkärnten, Unterkärnten

Land Salzburg: Pinzgau-Pongau, Lungau, Salzburg und Umgebung

Land Tirol: Tiroler Oberland, Innsbruck, Tiroler Unterland, Osttirol, Außerfern

Informazions

Pes formazions a si pues domandâ ae Autoritât di gjestion, al Segretari tecnic zontât e aes Unitâts di Coordinament Regionâls che a son in dutis lis sîs regions dal program.

[www.interreg.net/de/kontakte/kontakte.asp]